

﴿ بخارلی لوقوموتیفلرک صولک ﴾

﴿ دوری ﴾

قوة الکتریقیه نك قریباً دمیر یوللرینه تطبیقی سایه سنده شمن دوفر قطارلرنده مواد حاضره مستعمله نك شمعی یه قدر استحصال ایده مدیکی راحت وسهولته دسترس اولنه جنی امید اینلمکده در .

صنایع میخانیکیه قوانینک مروجی و کشفیات جدیده نك موجدی صفتیه طائلش و بوقنده قدرت کامله و مهارت تامه کسب ایتمش اولان ممتازان صنعتکرانک بیله بر حدس محال عد ایده رک قبولندن استنکاف ایده کلدکلری بویله بر تصورک اجراسنده نه عظیم مشکلاته تصادف ایدمک ملحوظ بولندیغی دوشونلیدر .

اوروپاده صولک سیستمده انشا ایدلمکده بولنان لوقوموتیفلر — امر ترتیب وانتظامنده شمعی یه قدر حاصل اولان تجربه لر سایه سنده اصلاحات ممکنه اجراسیله — بوکون اک مکمل صورته افزاغ ایدلمشلدردر . ایام اخیرده کثرت اهتمامله لوقوموتیفلرک ثقلت وقوتی تریید ایدیلرک (استهفنسون) ک ۱۸۱۵ سنه میلادیه سنده هنوز ایلک لوقو .

موتیفی اختراع ایتدیکی زمانلرده درک واستدلال و ۱۸۵۰ سنه سنده (قراپتون) ک قوه دن فعله اخراج ایتدیکی اوصافی تمامیه حائر مکمل لوقوموتیفلر انشاسنه موفقیته حاصل اولمشدر . شمن دوفر قومانیه لر الی سندن بری بو صنعتک انکال و تجهیزیه امرنده پک چوق چالشملر ایلده زمانمزدده بخارلی لوقوموتیفک ارتق استعمالدن ساقط اولسی قوه قریبه یه کلشدر .

بونلرک ترک استعمالی حالنده یولچیلرک انشای سفرده دورتیلوب صارصله سی وزحات فوق العاده ایله میندانه کلن یوللرک صیق

صیق یوزولمه سی کی برطاقم محاذیر برطرف اوله جقدر .

لوقوموتیفلرک اسباب استکمالنه بدل مساعی ایتمش اولان استاد ان چیره دست حد کاله ایصال ایتمش اولدقلری اثرلرندن جدأ مفخر اوله بیلورلر . بونلری وجوده کتیرمکله ماکنه فنده کی مهارت لرینی کویستر . مشر و پیشگاه نظرلرینه وضع اولنان پرو . غرامه ممکن مرتبه توفیق حرکت ایتمشلدردر . فقط اک کوزل سیستمده انشا ایدیلن بخارلی لوقوموتیفلرک تحصیل نتایج استدأ قوه جریه الکتریقیه نك دهیر یوللرینه تطبیقی حالنده اقتطاف ایدلسی محقق اولان ثمرات آتییه انکار ایله ساعتده ۹۰ کیلومتروندن زیاده سرعت حصولی امکانسر اولدیغنی آکلاتمق ایسته دکلری صورتده فکرلرینه کیسه نك پیرو اوله میه جنی بدیدیر . بویولده طوتیلان حساب دومانسز بازوتله آتیلان بر (لوبل) تفکنک استتماله صالح اولوب اولمادیغنی چاقاقلی تفنک اوزرنده پاییلان تجربه لر تطبیقاً استنتاج ایتکه بکزر . چاقاقلی تفنکده پک کوزل بر شی ایدی . بیوک بیوک مظفریتلره وسیله اولدی ، محاربهر قزاندى ؛ فقط دورینی کچیردی : اوچاقاقله آتیلیدی . . .

شمعی یه قدر آوروپاده الکتریقلی لوقوموتیف حقنده اجرا اولنان تجربه لر غیرکافی درجه ده قالمش ویلکر بعض حسابات ایله اکتفا ایدلمشدرکه بونلر اصلاً قابل اعتماد دکلدر .

آمریقانک (سان فرانسیسکو) بلده سنده صولک دفعه عقد اجتماع ایتمش اولان (ماکنه مهندسلری) هیئتک بوباده مرجعه تقدیم ایتمش اولدیغنی راپور مطالعه ایدیله جک اولور ایسه پک مهم وقوعات مجربیه تصادف اولنه جنی شبهه سزدر : مذکور راپورده مندرج حسابانه نظراً قوه الکتریقیه اعانه سیله

دمیر یوللری اوزرنده ساعتده ۱۵۰ ، ۱۸۰ و حتی ۲۰۰ کیلومتره سرعتک بالتام استحصال ایدیله بیله جکی اکلاشیلور . بونن باشقه ، الکتریقلی لوقوموتیفلرک قوه سندن خارج عد ایدیلن سرعتی بخارلی لوقوموتیفلرک بیله بر ایکی دفعه حاصل ایتدیکی کورلمشدر . انکلتزده موسیو (ووردسلک) لوقوموتیفی « ۳۱۵ » طونیلاتولق بر حمله یی چکدیکی حالده ساعتده ۱۳۸ کیلومترو مسافه قطع ایتمش وبو ائاده ۱۰۶۸ بیکر قوتی صرف ایتمشدر . ینه بو تره ، ساعتده ۱۲۰ کیلومتره مسافه طی ایتک صورتیه ۱۰۴۰ بیکر قوته محتاج اولمشدرکه تجربه بو ایکی قوت بیننده پک کوچک فرق وارددر . نظریات اربابنه مراجعت اولنه جق اولور ایسه بو تفاضلک پک بیوک اوله جنی ایشیدیلور . فقط ، برکت ویرسونکه لوقوموتیفلرک اوجاغی لوغاریمه ایله ایضیدیلور !!

قوه بخاریه نك محو وابطالنه سببیت ویرن اسبابک بری ده ، ادواتک ترقیات حاضرمدن انتظار اولنان سرعتلره مساعد اولامه سیدر . ماکنه لر آرقلرینه طاقیلان قطاری چکمک ایچون محتاج اولدقلری قوتی حصوله کتیره میه جک درجه ده مهیب بر ثقلت اراه ایتمکده اولدیغنی کی تره نلر دخی تسبیح دانه لری کی یووارلانو ب صارصیلان برطاقم مواددن تشکل ایتمشدر . واغونلر آراسنده روزکارک شدتله مقاومتی داعی اوله جق طرزده سطح مستوی استقامتده کچیدلر آچلمشدر . صورت سزیه ده حرکت قوییلان برتره نك اکثریا — یلکنلرینی آچمش برکی کی — لوقوموتیفک . متوجه اولدیغنی ستمک جهت منعکسه سنه دوغرو تمایل ایتدیکی کوریلور . لوقوموتیفک جهه سنک مسطح اوله سی ده کویا بوتما یلک ظهورینه مدار اولق اوزره عمداً پاییلدیغنی خاطره کتیر . ساعتده ۱۳۰ کیلومتروندن ۱۶۰ کیلومترویه

قدر برمسافه قطع ایتک اوزره اعمال ایدیلن
لوقوموتیفلرکجهه سی روزکاری قطع ایتک
اوزره چیفته صیان دمیری شککنده بولنه جق
واغونلرک هر بری آلات محرکبی بالذات
حامل بولنه رزق پک چوق ثقلت حاصل
ایتمکسزین دمیر خطلر اوزرنده سیر و حرکت
ایده بیلجه جکدر . بولوقوموتیفه ربط ایدیلن
واغونلرک زاویه لری مدور اوله جق ، واغونلرک
آره لقلری ایسه روزکارک شدتله نفوذینه
مانع اوله بیلجه جک صورتده سرت قاشیدن
معمول پردلر ایله ستر ایدیلجه جکدر .

دمیر یوللرنده شمیدیک اجرایی تصور
اولنان اصلاحات مجملاً شونندن عبارت اولوب
آئیده ایدیلجه جک تجربه لرده بوکا انضمام
ایده رک سیاحتجه پک چوق تسهیلاته بادی
اوله جنی آشکاردر .

ادبیات فارسیه به برنظر [۱]

بو حوادث آباد عالمده پک چوق رسوم
وعادات مرور ایام ایله متروک و معطل
قالدینی کی بویه یانده بعض لغتیر ولسانلرده
زمانک آقندیسنه قاپیلهر رق طوفان وقایع
آراسنده محو و منطمس اولمشدر . بوجهلهدن
بری ده (فرس قدیم) دنیان ایرانک اسکی
لسانیدر . محققین فضلا قبل الاسلام بو
لسانده یازلش منظوم بر اثره دسترس اوله
مامشلردر . فقط افواها شایع اولان روایاته
کوره کویا ابتدا شعر سویله یین ملوک ساسا
نیه دن (بهرام کور) ایمش .

بهرامک غایت نکته سنج ، عشوه باز
ولطیفه پرداز (دلارام جنکی) نامنده بر محبو
به نبی اولوب کنیدیسیله دائماً برلکده صید

[۱] دبستان ایرانیان معلّمین م . خشین
بککدر .

وشکاره کیدر وکنسد حسن دلفربینه
دوشوردیکی وحش و طیری سرکشته بند
بلا ایدر ایمش .

برکون بهرام ینه بر معتاد آوه چیقمش
ایکن حضور (دلارام) ده بر شیر دلیر ایله
مقابله به قیام ایده رک براوق آثار و آرسلانک
ایکی قولاغنی بر برینه ربط ایدر . بو ائنده
فرط تقاخرندن :

(منم آن بیر دمان ومنم آن شیریله)

مصرعی انشاد ایله مزبوریه : (بو سوزه
بر جوابک وارمی؟) دینجه دلارام بالبداهه :

(نام بهرام ترا و پدرت بوجهله)

مصرعیله رد کلام ایدر . بواصول تکلم
بهرامک مذاقنه موافق دوشمکله بونک
تدقیقی ، بوفته دائر بر قانون وضعی حکمای
زمانک عهدسنة تودیع ایلر وایشته بو وسیله
ایله شعره براساس قونیلور . لکن ، سویله
نیلن اشعار دائماً بریتسه منحصر بولنور
ایمش . (ابوطاهر قانونی) ده بوروایتی تأیید
ایدر ، دیرکه :

«خاقن نواحیسنده واقع و آثار
»برگزیده ایرانیان معدود بولنان «قصر
»شیرین» عضد الدوله دلی عصرنده دها
»کاملاً مشرف انهدام اولمامشکن ، قصر
»مزبورک کتیه سنده فارسی قدیم قاعده .
»سنجه منظوم زیرده کی بیت محکوک اوله رق
»بولنمشدر :

هژ برا بکیان انوشه [۱] بذی [۲]


جهانرا بدیدار توشه بذی .

بالاده سرد ایدیلن ایضاحندن ،
انتشار اسلامدن مقدّمجه دخی ایرانده شعر
سویله نلش اولدینی آکلاشیلور . فقط ، ایران
عربلرک ید اداره سینه کچنجه ، بولنر دائماً

[۱] انوشه ، بختیار معنا سنده در .
[۲] بذی (بادی) تقدیرنده درکه (اوله سک)
دیگکدر .

اعلای شریعت و ترویج دیانت جهتلرینه
بذل اهتمام ایده رک آداب و مراسم قدیمه
ایرانی تدریجاً فسخ وابطال طریقنی التزام ایتش
اولدقلرندن ادبایی لسان فارسیده نظم اشعاردن
منع ایتش اوله لر و یاخود فترات ایام ایله
شعرک زیر پرده خفا و تواریده قلمش اوله
سی مختلدر . حتی ، خلفای امویه و عباسیه
دورلرنده ایران ممالکی هنوز عربلرک زیر
اداره سنده ایکن شعر وانشا ودوائر عالیهدن
صادر اولان اوامر و امثله نک کافه سی عرب
لسانی اوزره یازیلور ایمش .

(مابعدی وار)



غزته و رسائل فیه سرکیسی

مجارستانک «پشته» شهرنده بولنان
مطبعه جیلر طرفندن بو سنه ده مارتک اون
بشندن یکرمی دردینه قدر امتداد ایتک
و منحصراً غزته و رسائل فیه نهاده موقع
تشهر ایدلک اوزره بر سرکی ترتیب و بو
سرکیه دنیانک هر طرفنده طبع و نشر
ایدلکده بولنان غزته لرک نسخ کافیه سی جلب
وضع ایدلشددر .

اشبو «معرض مطبوعات» ی ترتیب
ایدن قلوب طرفندن بو کره اداره خانه مزه
دخی کوندریلان بر مکتوبده رساله مزک
برنجی نومرو سندن اوچ نسخه نک ارسالیله
برابر سرکینک صورت ترتینندن قارئنزه
معلومات اعطاسی التماس اولنمشدر .

سرکینک حاصل ایده جکی نتیجه و بوکا
دائر اولان مطالعات بالاخره عرض
اولنه جقدر .



شرکت مرتبیه مطبعه سی مدیری : آرین